

**Naalakkersuisut siulittaasuut**

**Landsstyreformanden**

Marie Fleischer  
Demokraatit  
/Maani

**Suliffeqarfinni Namminersorerullutik Oqartussat pigisaanni pisortat aamma siulersuisuni ilaasortat pissusilersortarneranni ileqqorissaarnisamut najoqqutassiat pillugit § 36, imm. 1-mut, 26. oktober 2006, akisuteqaat.**

9. november 2006  
J.nr. 70.10

Postboks 1015  
3900 Nuuk  
Oq/tel +299 34 50 00  
Fax +299 32 50 02  
govsec@gh.gl  
www.nanoq.gl

Asasara Marie Fleischer

Annertuumik inatsisinik unioqqutitsineq aallaavigissagaanni Namminersorerullutik Oqartussat ingerlatseqatigiiffianni pisortatut imaluunniit siulersuisuni ilaasortatut suliaqarnermut naleqqutinngitsaq paasinarluarpoq. Taamaattorli ukiuni kingullerni inummik taamatut atorfeqartumik annertuumik inatsimmik unioqqutitsisimalluni eqqartuussaasimasumik ilisimasaqanngilanga, taamaattumillu maannakkut annertuumik ajornartorsiutaasutut isiginngilara. Taamatut pisoqassagaluarpas inuup nammineerluni kinguneqartinngippagu soorunami Naalakkersuisut tassunga isummissapput.

1. *Ullumikkut suliffeqarfinni Namminersorerullutik Oqartussanit pigineqartuni pisortat aamma siulersuisuni ilaasortat pissusilersortarneranni ileqqorissaarnissamut najoqqutassiat suut pineqarsinnaappat?*

Pineqartumut tassunga ileqqorissaarnissamut najoqqutassianik nalinginnaasunik peqanngilaq aamma Naalakkersuisut taamaattumik eqqussinissamik pilersaaruteqaanngillat. Kisiannili suleqatigiissitaliortoqarpoq, nalunaarusiamik "Kalaallit Nunaanni ingerlatseqatigiiffiit pitsaasumik aqunneqarnissaannut inassuteqaatit" marts 2004-mi saqqummiunneqartumik. Tassani siulersuisut pisortaaneqarfiullu suliasaat akisussaaffiilu allaaserineqarput, aammattaaq ingerlatseqatigiiffimmik pitsaasumik aqutsinermut paasinninnissamut ileqqorissaarnissaq ilaavoq.

2. Demokraatit inuussutissarsiutinut tunngasunut oqaaseqartartuattut isumaqarpunga, soorlu Namminersorerullutik Oqartussat suliffeqarfiutaanni pisortaalluni imaluunniit siulersuisuni ilaasortaalluni inatsisit unioqqutinneqarpata annertuumik akiliisitaanermik, piumasaqaatitalimmik eqqartuunneqarnermik imaluunniit piumasaqaatitaqanngitsumik eqqartuunneqarnermik kinguneqartumik malitseqartinneqartariaqartoq. Naalakkersuisut isuma tamanna isumaqatigaat?

Aallaaviusutut inatsisinik unioqqutitsinernut ataasiakkaat pillarneqaatit eqqartuunneqarnerat allanut kinguneqartinneqassanngilaq. Annerusumik kinguneqartitsisinnaanermut inatsisinik unioqqutitsineq aalajangersimasoq aalajangiisuusaaq. Pisortap inatsisinut pinerluttuliorsimanera pineqarpat, inatsisinik uni-

oqqutitsineq pineqartup eqqartuunneqaatigisimasinnaasaa allanik kinguneqartin-neqassanersoq nalilissallugu tamanna siulersuisut suliassarivaat. Siulersuisuni ilaasortaq pineqarpat, siulersuisuni ilaasortap pineqartup qanoq kinguneqartitsivi-gineqarnissaa Naalakkersuisut isummerfigissavaat.

3. Naalakkersuisut qinnuigineqassapput isummerfigeqqullugu Naalakkersuisut qanoq kinguneqartitsissanersut, pisortaq imaluunniit siulersuisuni ilaasortaq aapparisaaminut nakuusersimasutut annertuumik akiliisussanngortinneqarpat, nakkutigineqartumik eqqartuunneqarpat imaluunniit piumasaqaatitaqanngit-sumik eqqartuunneqarpat?

Aammattaaq inatsimmik unioqutitsineq nakuuserneq sunaluunniit Naalakkersuisut akuersaarsinnaanngilaat. Apeqqutit aappaannut akissuteqaammi allaaseri-neqartutut, eqqaartuussutip saniatigut inatsimmik taamatut unioqutitsineq allanik sunik kinguneqartinneqassanersoq suliassat ataasiakkaat iserfigisariaqarput naliliif-figalugillu. Oqaatigineqartutut ileqqorissaarnissamut najoqqutassianik ataatsimoor-tunik peqanngilaq. Tamanna tunngavigalugu apeqquteqartup apeqqutaanut 3-miit 9-mut pissutsinut isumaannarsuutaasunut isummerniannngillat.

4. Naalakkersuisut qinnuigineqassapput isummerfigeqqullugu Naalakkersuisut qanoq kinguneqartitsissanersut, pisortaq imaluunniit siulersuisunut ilaasortaq meeqqaminut allaluunniit meeraannut nakuusersimasutut atornerluisimasu-tulluunniit annertuumik akiliisussanngortinneqarpat, piumasaqaatitalimmik eqqartuunneqarpat imaluunniit piumasaqaatitaqanngitsumik eqqartuun-neqarpat?

Takuuk apeqqummut 3-mut akissuteqaat.

5. Naalakkersuisut qinnuigineqassapput isummerfigeqqullugu Naalakkersuisut qanoq kinguneqartitsissanersut, pisortaq imaluunniit siulersuisuni ilaasortaq nalinginnaasumik nakuusersimasutut imaluunniit assersuutigalugu imerniart-arfimmik nakuusersimasutut annertuumik akiliisussanngortinneqarpat, pi-umasaqaatitalimmik eqqartuunneqarpat imaluunniit piumasaqaatitaqanngit-sumik eqqartuunneqarpat?

Takuuk apeqqummut 3-mut akissuteqaat.

6. Naalakkersuisut qinnuigineqassapput isummerfigeqqullugu Naalakkersuisut qanoq kinguneqartitsissanersut, pisortaq imaluunniit siulersuisuni ilaasortaq imigassartorsimalluni biilersimanerminut annertuumik akiliisussanngortin-neqarpat, piumasaqaatitalimmik eqqartuunneqarpat imaluunniit pi-umasaqaatitaqanngitsumik eqqartuunneqarpat?

Takuuk apeqqummut 3-mut akissuteqaat.

7. Naalakkersuisut qinnuigineqassapput isummerfigeqqullugu Naalakkersuisut qanoq kinguneqartitsissanersut, pisortaq imaluunniit siulersuisuni ilaasortaq hashimik, cigarettinik, viinninik, imigassanik kimittuunik assigisaannillu anngiortumik eqqussinerminut annertuumik akiliisussanngortinneqarpat, pi-umasaqaatitalimmik eqqartuunneqarpat imaluunniit piumasaqaatitaqanngit-sumik eqqartuunneqarpat?

Takuuk apeqqummut 3-mut akissuteqaat.

8. Naalackersuisut qinnuigineqassapput isummerfigeqqullugu Naalackersuisut qanoq kinguneqartitsissanersut, pisortaq imaluunniit siulersuisuni ilaasortaq pisortat namminersortulluunniit illuutaannut aserortersimanerminut anner-tuumik akiliisussanngortinneqarpat, piumasaqaatitalimmik eqqartuunneqar-pat imaluunniit piumasaqaatitaqanngitsumik eqqartuunneqarpat?

Takuuk apeqqummut 3-mut akissuteqaat.

9. Naalackersuisut qinnuigineqassapput isummerfigeqqullugu Naalackersuisut qanoq kinguneqartitsissanersut, pisortaq imaluunniit siulersuisuni ilaasortaq tillinniarsimanerminut akiliisussanngortinneqarpat, piumasaqaatitalimmik eqqartuunneqarpat imaluunniit piumasaqaatitaqanngitsumik eqqartuun-neqarpat?

Takuuk apeqqummut 3-mut akissuteqaat.

Ikinngutinnersumik inuulluaqqusillunga

Hans Enoksen